



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Aqvæ Vitæ, De Fontibvs Salvatoris. hoc est, Doctrina  
Evangelica De Meditatione mortis**

**Kispenning, Henricus**

**Antverpiæ, 1583**

Sententia vi. I Cor. I. Christus factus est nobis sapientia à Deo, & iustitia, & sanctificatio, & redemptio. Ixij.

[urn:nbn:de:hbz:466:1-46214](https://nbn-resolving.org/urn:nbn:de:hbz:466:1-46214)

## SENTENTIA V. Roman. 8.

Proprio filio suo non pepercit Deus, sed pro nobis omnibus tradidit illum: quo modo non etiam cum illo omnia nobis donauit?

## PARACLESIS.

CAP. LXI.  
Chrysof. in  
cap. 8. ad  
Rom.

**Q**uo pacto nos deseret Deus, quorum gratia proprio filio suo non pepercit, sed pro nobis omnibus illum tradidit? Cogita, queso, quanta sit bonitatis, neque proprio filio parcere, sed tradere: & pro omnibus tradere: etiam vilibus, etiam ingratis, quin & inimicis. Quomodo non simul cum illo nobis omnia donauit? Si Filium largitus est, idque non simpliciter, sed occisori tradidit: quid amplius de aliis dubitas, cum Dominum ipsum receperis? Quid de opibus dubitas, cum herum habeas? Nam qui quod maius est, inimicis adhuc existentibus dedit: quomodo quae minorae sunt, negaret amicis?

## SENTENTIA VI. I. COR. I.

Christus factus est nobis sapientia à Deo, & iusticia & sanctificatio & redemptio: quemadmodum scriptum est: Qui gloriatur, in Dño gloriatur.

## PARACLESIS.

CAPVT  
LXII.  
Bernard. ser.  
22. super  
Cantica.  
Esa. 9.  
Luc. 1.

**V**ide quadrifariam unctionem, vide affluentissimam atque inestimabilem suauitatem eius, quem vnxit Pater oleo letitiae pro consortibus suis. Sedebas o homo in tenebris & umbra mortis, per ignorantiam veritatis: sedebas vinctus catenis delictorum. Descendit ad te in carcerem IESVS CHRISTVS: non ut torqueret, sed ut erueret de potestate tenebrarum. Et primo qui-

quidem veritatis Doctor depulit umbram ignoran-  
 tia sua, luce sapientia sua. Per iustitiam deinde qua  
 ex fide est, soluit funes peccatorum, gratis iustificans  
 peccatorem. Quo gemino beneficio implevit sermonem  
 illius S. David: Dominus soluit compendios, Domi-  
 nus illuminat cecos. Addidit quoque, sancte inter  
 peccatores vivere: & sic tradere formam vita, tanquam  
 via, qua redires ad patriam. Ad cumulum postremo  
 pietatis tradidit in mortem animam suam: & de pro-  
 prio latere protulit pretium satisfactionis, quo placavit  
 Patrem: per quod illum plane ad se versiculum traxit:  
 Apud Dominum misericordia, & copiosa apud eum  
 redemptio. Prorsus copiosa: quia non gutta, sed vnda  
 sanguinis largiter per quinque partes corporis emana-  
 vit. Quid tibi debuit facere & non fecit? Illumina-  
 vit cecum, soluit vinctum, reduxit erroneum, reconci-  
 liavit reum. Quis non libenter post illum atque alacri-  
 ter currat: qui & ab errore liberat, & errata dissimu-  
 lat: qui deinde merita viuendo tradit, premia morien-  
 do conquirat? Quam excusationem habet, qui in odore  
 horum unguentorum non currit, nisi ad quem forte  
 odor minime peruenit? Sed enim in omnem terram exi-  
 it odor vite: quoniam misericordia Domini plena est  
 terra, & miserationes eius super omnia opera eius.  
 Passio tua Domine Iesu, vltimum refugium, singulare  
 remedium: deficiente sapientia, iustitia non sufficiente,  
 succumbentibus meritis, illa succurrit. Itaque cum de-  
 fecerit virtus mea, non conturbor, non diffido: scio quid  
 faciam. Calicem salutaris accipiam: & nomen Domi-  
 ni inuocabo. Illumina oculos meos Domine, vt sciam  
 quid acceptum sit coram te omni tempore: & sapiens  
 sum. Delicta iuuentutis mea, & ignorantias meas ne  
 memine-

Matt. 12.  
 Rom. 3.

Psal. 146.

Esa. 53.  
 Psal. 129.

Esa. 5.

Psal. 118. 244.

Psal. 115. 12.  
 Sap. 9.

Psal. 24.

Psal. 138.  
Rom. 8.

memineris: & iustus sum. Deduc me Domine in via tua: & sanctus sum. Verumtamen nisi interpellet sanguis tuus pro me: saluus non sum.

## SENTENTIA VII. 2. Cor. 5.

Eum qui non nouerat peccatum, pro nobis peccatum fecit: vt nos efficeremur iustitia Dei in ipso.

## PARACLESIS.

## CAPVT

IXIII.

Chryf.  
Hom. 11. in  
Epist. 2. ad  
Cor.  
Deut. 21.  
Gal. 3.  
Phil. 2.

Theophyl.

**E**um qui nesciuit peccatum, inquit, & existentem ipsammet iustitiam, peccatum fecit: hoc est, quasi peccatorem condemnari permisit, & quasi maledictum mori. Maledictus enim qui pender in ligno. Sic enim mori multo maius est: id quod & alibi insinuans Apostolus dicit: Obediens factus est vsque ad mortem, mortem autem crucis. Non enim hoc solum penam habebat: sed & confusionem. Cogita igitur, quanta tibi concessit; nam magnum est etiam peccatorem existentem pro quopiam mori: quando autem iustus hoc patitur, & pro peccatoribus moritur, & non moritur solum, sed & quasi maledictus moritur, & non quasi maledictus solum, sed & multa nobis bona largitur, qua nunquam expectauissemus: qua mens ista commendare poterit? Cur istud huc factum? vt nos iustificemur, non ex operibus & lege, verum ex gratia Dei. Hec enim est Dei iustitia, cum quis gratia iustificatus fuerit, vt nullus in eo neuis nullaue macula inueniatur. Propterea enim neque dixit, vt efficiamur iusti: sed, Iustitia Dei excellentiam gratia demonstrans.

S E N E T M.